

Reproduccion In Memoriam

Premio Cultural Playa Pabao 2006 otorga na: Leonido Lucio Rivadeneira



ORANJESTAD - Leonido 'Lucio' Rivadeneira ta un otro gran musico especialmente conoci riba e tereno di saxofon y instrumentonan di blas en general. Lucio a lanta den e barrio di Socotoro, y eyan su amor pa musica tambe a crece.

Dia 22 di april 1942 Socotoro tabata di fiesta, paso e familia Rivadeneira a duna bon bini na un miembro mas di familia. Su mayornan a dun'e e nomber Leonido Rivadeneira, den comunidad miho conoci como 'Lucio'. Lucio lanta, biba y studia den Socotoro. Y den bario mes el a conoce su señora, Victoria Zambrano. Nan dos a forma un hunita familia y di e amor ey a nace dos yiu muhe, cual ta Lisandra y Vivienne. Nan tur a lanta cu musica den nan horea como cu semper nan tata, Lucio, a keda hopi activo den musica. Pa straño cu e por zona, ni Lisandra ni Vivienne no ta toca ningun instrumento di blas (blաս-instrument). Tur dos ta toca cuarta y un poco piano, pero mas tanto nan a keda den e parti di cantamento.

Lucio su amor di musica a cuminsa masha spontaneo den bario. Lucio tabata biba banda di cas caminda e conhuntito Caribbean Boys tabata practica. E conhuntito aki tabata bou direccion di Lody Rodriguez (d.l.m.), e tabata bon conoci como e "One Man Band". Sr. Lody tabata toca bass-drum, drums high-head, ukele (cuarta), sinfonia

di boca y maraca su so. Sr. Lody tambe tabata tin un yiu cu tabata bon amigo di Lucio, y nan dos tabata sinta wak e conhuntito toca. Nan tabata sinti hunto pafo di e cas y traha nan mesun instrumentonan, manera boca di boter cu papel di celofan, bleki di lechi Klim, peña cu papel di celofan etc. Nan tabata haci uzo di nan fantasia grandi cu nan tabata tin, pa asina toca

pafo di cura ora e conhuntito tabata practica.

Lucio a bishita St. Dominicus College, caminda e tabata haya les di Frere. Lucio no ta lubida nunca na januari 1953 cu e ta sinti den klas, y Frere Alexius a manda pidi di cada klas e estudiante cu ta canta miho. Asina Lucio a forma parti di "De Trupialen". Pa scol mes, Lucio a tuma parti

di diferente musical, cual e prome tabata e famoso storia di mucha, 'Hans en Grietjes'. Den klas 6, Lucio a cuminsa haya les di Frere Pedro, kende a siña Lucio hopi cos, manera toca segun nota, canta y ey el a cera conoci cu bugel, cual ta un otro tipo di trompet. Asina Lucio a cuminsa toca y anima na fiestanan di familia.

E prome conhuntito cu Lucio a tuma parti di dje ta 'Los Principes', entre nan nos a haya Romo Fingal, Harry Rodriguez, Angel (Mono) Monart, Herman Stephens, Joy Kock, Jose Barrios, Ismael 'Zogo' Orman, Norman Harte, Ro Agumbro, Henk Braaflart, Eddy Toppenberg, Eric Escalona.

Despues di a alcanza su diploma di MULO-A, Lucio a bay traha na dos emisora comercial. Despues di esey, Lucio a traha 30 aña den Gobierno. Su deseo semper tabata pa studia musica profesionalmente. Maske Lucio no a logra esey, el a bay hopi curso, tanto local como internacional. El a atende e curso nan di ADAYMA, cual avor tin e nomber di ASOMA. Hasta e cala di orgel Lucio a toca y claba. Na juli 1976, Lucio a bay Berklee College of Mu-

sic pa asina atende un zomercursus. Como semper Lucio kier a studia docente di musica, el a bay un curso relaciona cu pedagogia, duna pa srs. Frank Zandani. P'esey Lucio ta yama su mes autodidactico, el a yuda su mes bay dilanti studia y trahando y asina ganando hopi experiencia y sabiduria. Algun otro grupo cu Lucio a participa tambe den dje ta Playa Sextette, Bali Bar Quartet, 'Vibracion Musical 76, La Reencarnacion, Sensacional Musical etc. Tambe Lucio a yuda hopi cu orkestanan pa OTI y tambe na yuda muchanan di scol na nan participacion den Voz-I-Landi escolar.

Na aña 1996, Lucio a cuminsa duna les part-time na Arubanse Music School (AMS) cual avendia tin e nomber Scol di musica Rufo Wever. Despues di mas o menos un aña trahando na AMS, el a haya un miho oferta cerca FDEC, Fundacion Desarrollo Educativo Comunitario, el pasa over den e fundacion ey. Despues, Lucio a duna les di blokfluit, clarinet y saxofon na ADAYMA, cual avor tin e nomber di ASOMA. Hasta e cala di orgel Lucio a toca y claba. Na juli 1976, Lucio a bay Berklee College of Mu-

CARNIVAL PACK 28

FOR ONLY 28

FREE T-SHIRT

PACK INCLUDES: 2X BIG KING OR CHICKEN BIG KING, 2X (4PCS) NUGGETS, 2X SMALL FRIES, 2X MEDIUM SOFT DRINK AND 1 FREE CARNIVAL T-SHIRT *WHILE STOCK LASTS

Mercedamente Lucio a haya diferente reconocimiento. E prome tabata na aña 1980, na e ocasion di e prome bishita di Reina Beatrix. Lucio a wordo reconoci cu medaya di plata, pa e hecho di a prepara e dirigí e orkesta tocando 'Wilhelmus, Antillanese volkslied y Arubanse volkslied. Un reconocimiento cu

tampoco Lucio a lubida ta na november 1989, caminda Lucio a haya un Certificado otorga door di e tempo aya Ministro pa Asuntunan di Cultura, Sr. Fredy Rufinjo. E certificado aki tabata den celebracion di 20 aña di 'Festival di tur Festivalnan' y 'Festival di Ganadonan'.

Lucio, un autodidactico cu a logra hopi dor di perseverancia y amor pa musica y comunidad. Lucio su logro y trabounan pa comunidad ta un chempel pa comunidad.

Cu permiso di autornan :
Gillenne Garcia
Maureen Luidens
Mileischka Vlaun

